

809

*Urbis Venetiarum situs descriptio.*

dia ejectos, apud hostem fuisse: quum interim Valentinus amborum frater Rempublicam domi administraret: Et ut atrocissimi belli ratio facilius intelligi possit, pauca de Venetiarum situ, præter illa quæ proximo libro a nobis tradita sunt, expediam. Sedent Venetiæ, ut alio loco diximus, in insulis parum inter se distantibus, quas alternus maris æstus æquis pene intervallis discriminat, ita tamen, ut littus ad meridiem inter ipsum pelagus & stagna quadraginta passuum millia porrectum, in decem circiter scindatur vada: littoraque in insularum speciem sic abrupta tunc passim Veneti incolebant: quorum ad meridiem primi Brundulenses: post hos Clodiani, Pellestrinenses, Albiolani, Medoacenses, Olivolenses, ubi nunc est Patriarchica sedes. Alii a mari introrsum recedentes media stagna tenebant: quorum primi Riyoaltini, qui nostro tempore frequentia & fulgore sui nominis cæteris locis tenebras induxere. Pipinus objecta hinc classe, ut hostes maritimo cursu arceret, appareretque omnem comineatus spem ablatam, terrestribus copiis insulas continenti proximas invasit, ac Brundulensibus, Clodianis, Pellestrinensibusque partim suis sedibus metu ejectis, partim in potestatem redactis, in Albiolanos duxit. Ea oppugnatio cum præter spem omnium aliquantisper illius conatus remorata esset, Valentinus interim Dux & Medoacenses cum liberis & rebus, quæcunque ea trepidatione asportari potuerunt, in Rivumaltum abiere, non solum privatas secum fortunas, sed summum etiam Magistratum Majestatemque omnem Reipublicæ eo traduentes: ubi majore quodam rerum successu perpetuisque incrementis, jam inde ex quo illic esse cœpit, ad hunc diem residet.

*Ducalis sedes in Rivumaltum translata.*

*Pipinus Venetis omnia adimit præter Rivumaltum.*

*Medoaci veteris descriptio.*

Sed locus postulat, ut de Medoaci vetustate nunc pauca referam. Omnes fere qui de rebus Venetis aliquid scriptum reliquere, affirmant Medoacum illud, quod nunc ex urbe Clodiam introrsum navigantibus ad lævam juxta portum eodem nomine nuncupatum occurrit, non vetus esse, quod prisca Veneti condidere, unde in Rivumaltum Gallico tumultu concessum diximus; sed veteris illius everfi monstrari

ho-